

Ein schön Aqua vitæ, des Römischen Kaysers Friderich
des III. dadurch er sein Leben lange Jahr / mit Göttlicher hülffe er-
halten hat / denn er allein 54. Jahr das Römisch
Reich regiert / vnd ist gar alt
worden.

R Der besten Zimmet 6. Loth / der besten Negelin 2. Loth / Ingber
2 $\frac{1}{2}$. Loth / Muscatennuß j. Loth / Zitwer 3 $\frac{1}{2}$. Loth / Paradis Kör-
ner 2 $\frac{1}{2}$. Loth / Galgant 2. quint. Cubeben j. Loth / Rosmarin / Ysopen / Eys-
bischkraut jedes j. Loth / Benedicte wurck 2. Loth / Salbey 2. Loth / Las-
uendelblüt j. Loth. Diß alles zusammen gestossen / darzu gethan Zus-
ckercandi 6. Loth / kleine Rosin / j lb. grosse Rosin vund Feigen / jedes
 $\frac{1}{4}$ lb. Campfer j. quint. rote Rosen / Borragenblüt / Ochsenzungen-
blüt / Endivienblüt jedes 6. Loth / alles zu kleinē Puluer gestossen / thue
es in einē gar grossen Kolben / geuß von dem guten probirten Brandten
wein darauff so viel / daß drey zwerfinger vber alle species herüber ge-
he / vermache den Kolben eben ganz fest / rühre es wol durch einander /
setze es an eine kühle statt / vnd schwencke es alle Tag ein mahl vmb / wenn
es 10. Tag also gestanden hat / so mache den Boden auff / vund geuß
das lauter vnd clare so gefärbet / fein gemachsam herunter in einem rei-
nen Kolben / setze einen Helm darauff / vnd distillir das Aqua vitæ mit
gar lindem Fewr herüber / so wirstu den Edlen Saft von den Kräu-
tern vnten am boden des Kolbens finden / den hebe fleißig auff / das
herüber distillirte Aqua vitæ geuß wider auff die Specerey (jedoch kanst
stu ein wenig von diesem Aqua vitæ vffheben) in den Kolben wol ver-
macht / vnd lasse in wider 9. Tag darauff stehē / biß er sich wider färbet /
so geuß in wider in ein reinen Kolben / vnd distillir in wider wie vor her-
über / das auff vnd abgiessen vnd distillirn thue 3. mahl / letztlich geuß
den Brandten wein oder Aqua vitæ rein herunter von den Aromatis-
bus oder Specereyen / vnd du kanst vom gefärbten Aqua vitæ auch
ein wenig vffheben / Die Kräuter vnd Specereyen / so im Kolben blie-
ben /